


Bibël për fëmijët paraqet

Udhëtimet e Mrekullueshme të Palit



Shkruar nga: Edward Hughes
Ilustruar nga: Janie Forest
Alastair Paterson
Adaptuar nga: Ruth Klassen
Përkthyer nga: Arianit & Valbona Iljazi
Prodhuar nga: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2021 Bible for Children, Inc.


E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

1

Pali dhe Sila,
shërbëtorët e Jezusit
ishin në burg. Jo, ata
nuk kishin bërë ndonjë
ligësi - ata kishin
dëbuar një demon nga
një grua. Ata u treguan
banorëve të Filipisë që
adhuronin
idhuj,
fuqinë e
Perëndisë
së vërtetë
dhe të Birit
të Tij, Jezus.




2



Ju mbase mendoni se Pali dhe Sila ishin të zemëruar dhe të hidhëruar. Por ata nuk ishin. Në të vërtetë, në mes të natës ata ishin zgjuar duke i kënduar himne lavdërimi Perëndisë!


3



Të gjithë të burgosurit e tjerë dhe roja i burgut i dëgjuan ata.

4

Papritmas, të kënduarit ndaloi. Perëndia dërgoi një TËRMET i cili e shkundi burgun. Të gjitha dyert u hapën. Prangat e të gjithëve u zgjidhën.



5




Oh-oh! Roja i burgut ishte i sigurtë që të gjithë të burgosurit ia kishin mbathur gjatë rrëmujës që pasoi tërmetin. Edhe sikur vetëm një prej tyre t'ia kishte mbathur, roja e burgut do të dënohej me vdekje. Ai shumë mirë mund të vriste edhe veten e ta mbyllte një herë e mirë atë punë.

6

Por Pali bërtiti, "Mos i bëj të keqe vetes sate, sepse ne jemi të gjithë këtu". Kur roja e burgut pa që ishte e vërtetë, ai tha "Zotërinj, çfarë duhet të bëj unë që të shpëtohem"? Kështu ata thanë, "Beso në Zotin Jezus Krisht, dhe do të shpëtohesh ti dhe ata të shtëpisë sate". Plot gëzim, roja i burgut besoi.




7



Të lënë të lirë ditën tjetër, Pali dhe Sila udhëtuan edhe në shumë qytete të tjera, duke i treguar njerëzve për Jezusin. Disa njerëz besuan, disa të tjerë u përpoqën tu bëjnë keq. Por Perëndia ishte me shërbëtorët e Tij.

8



Një natë, Pali predikoi për orë të tëra. Një djalë të ri, që ish ulur pranë dritares së hapur, e zuri gjumi. Tani ju e merrni me mend se çfarë ndodhi.


9



Të gjithë e dinin se djali i ri kishte vdekur tashmë. Por Pali zbriti poshtë dhe e përqafoi të riun, duke thënë, "Jeta e tij, është në të". Djali i ri erdhi prap i gjallë brenda, dhe ata ishin shumë të lumtur.

10

Pali dhe Sila kaluan shumë peripeci ndërsa udhëtuan nëpër Europë. Një nga aventurat më të mëdha të Palit ndodhi kur ai ishte në një anije. Anijet atëherë nuk ishin si tragjetet oqeanike prej çeliku që kemi ne sot, por anije të vogla lundrimi, të cilat luhateshin shumë lehtësisht gjatë stuhive.



11




Pali ishte në anije, sepse ai ishte arrestuar sërish. Tani ai duhej të paraqitej përpara perandorit në Romë, kryeqytetin e botës së atëhershme.

12


"Burra, unë kam kuptuar se ky udhëtim do përfundojë me shkatërrim", paralajmëroi Pali. Por kapiteni nuk ia vuri veshin. Dhe kështu ata u nisën në det të hapur. Kur një stuhi e madhe nisi, ata lidhën litarë rreth anijes, duke shpresuar që të mos e linin të bëhej copash. Nëse kjo do të ndodhte,

deti do ti përpinte të gjithë.




13

Anija përplasej andej-këndej aq keq nga dallgët, saqë kapiteni i urdhëroi që të gjithë të ndihmonin për ta lehtësuar anijen. Ditën e tretë, ata hodhën edhe spirancën nga anija. Mbase kjo gjë do të ndihmonte.



14

Gjatë natës një Engjëll ndaloi pranë Palit dhe i tregoi se gjërat do të shkonin mirë në fund. Të tjerët u inkurajuan kur Pali tha, "Merrni zemër burra, sepse unë besoj që do të ndodhë pikërisht ashtu siç mu tregua. Por ne duhet të dalim në breg, në njëfarë ishulli".



15

Disa ditë më pas, anija u vërvit nga era pranë ishullit të Maltës. U përplas në cektësiat shkëmbore dhe u bë copash. Kapiteni i urdhëroi ata që mund të notonin, të hidheshin në det të parët dhe të notonin drejt bregut.




16

Edhe pjesa tjetër e njerëzve shpëtoi paq, disa mbi dërrasa e disa të tjerë mbi copa të tjera të prishura të anijes.



17

Në Maltë, Perëndia tregoi fuqinë e Tij. Ndërsa ata po mblidhnin dru për zjarr, një nepërkë e pickoi Palin. Njerëzit menduan se ai do vdiste. Por pickimi i nepërkës nuk bëri asnjë dëm.



18

Atëherë njerëzit menduan se Pali ishte perëndi. Shumë njerëz të sëmurë erdhën, dhe Perëndia i shëroi ata, pasi Pali u lut për ta.



19


Më në fund, Pali mbërriti në Romë. U deshën më shumë se dy vjet që rasti i tij gjyqësor të shqyrtohej. Gjatë asaj kohe, Pali mori me qera një shtëpi dhe priti njerëz për vizita. A e dini, se

për çfarë u fliste Pali vizitorëve të tij? Për mbretërinë e Perëndisë! Për Zotin Jezus Krisht! Pali ishte shërbëtori i Perëndisë në Romë, pikërisht ashtu siç kish qenë edhe në udhëtimet e tjera të tij.



20

"Kam luftuar luftën e mirë, e kam mbaruar vrapimin, e kam ruajtur besimin", Pali shkroi nga Roma. Bibla nuk na tregon se si mbaroi jeta e tij tokësore, por disa kronika na tregojnë se atij ju pre koka, nga perandori Neron në Romë. Pali vdiq ashtu siç jetoi - një shërbëtor besnik i Perëndisë, duke i treguar të tjerëve për Zotin Jezus Krisht.



21

Udhëtimet e Mrekullueshme të Palit

Një tregim nga Fjala e Perëndisë, Bibla

e marrë nga

Veprat 16, 27, 28

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

22

Fund

59



60

23

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

24